

2021eko AZAROAREN 24ko OSOKO BILKURAKO AKTA.

Tokia: Berako Herriko Etxea.
Eguna: 2021-11-24.
Hasiera ordua: 19:30.
Bilkura mota: ohikoa, 1. deia.

BERTARATUAK:

EH BILDU

José Esteban Aguirre Zubieta
Maialen Chantre Irazoki

HERRIRAKO

José Antonio Oyarzabal Iribas
Raquel Quiroga Tapia
Nahuel Maximiliano Ibarburi Lompre
ATXIKI GABEKO ZINEGOTZIA
Josu Iratzoki Agirre

EZ EGOTE JUSTIFIKATUAK:

Julen Errandonea Martin
Germán Castillo Lazcanotegui

ALDEZ AURRETIK JUSTIFIKATU GABEKO EZ EGOTEAK:

Estibaliz Pinacho Olaciregui

ALKATEA (Bilkurako buru):

Aitor Elexpuru Egaña

IDAZKARIA: Miguel José Belarra Tellechea, ekintzaren akta jasotzen du.

EZTABAIDATUTAKO GAIK (behar bezala egindako deialdiaren Gai Zerrendan sartu zirenak):

1. AURREKO BILKURAKO AKTAREN ONARPENA.

Alkateak galdetu du zinegotziren batek oharren bat egin nahi ote dion deialdiarekin batera banatu zen aurreko bilkurako aktari (2021/11/10). Inork ez du azalpenik egin eta **aho batez** onartzen da akta.

2. 7. POLIGONOKO 301. PARTZELAKO (ITZEA KARRIKA, 4) XEHETASUN AZTERLANA. BEHIN BETIKO ONESPENA.

Ikusirik:

- 7. poligonoko 301. partzelako —Itzea karrika, 4— xehetasun azterlana, etxebizitza-blokeko eraikinaren iparraldeko fatxadaren lerroak berriz zehaztea helburu, igogailu bat jarri ahal izateko, arkitektura-oztopoak kentzea xede. Sustatazailea Comunidad de Propietarios de Itzea 4 da. Dokumentua XXX arkitekto teknikoak idatzi zuen.

PL211124. DATU PERTSONALAK DISOZIATU EGIN DIRA.

- Nasuvinsako arkitektoak, Udaleko aholkulariak, 2021eko abuztuaren 27an egindako txostena.

- Udal idazkariak 2021eko irailaren 14an egindako txosten juridikoa.

Kontuan izanda:

- Agiria hasiera batean onartu zela irailaren 14ko 269/2021 Alkatetzaren Ebazpenaren bidez.

- Espedientea jendaurrean jarri zela, iragarkiak argitaratuz NAOn, prentsan eta iragarki oholean.

- Espedientea jendaurrean egon zen epealdian ez zela alegaziorik aurkeztu.

Lurraldearen Antolamenduari eta Hirigintzari buruzko Foru Legearen testuategina onesten duen 1/2017 Legegintzako Foru Dekretuaren 63., 72. eta 74. artikuluekin bat etorriz,

aho batez ERABAKITZEN DA:

1. Behin betiko onespena ematea 7. poligonoko 301. partzelako —Itzea karrika, 4— xehetasun azterlanari.

2. Behin betiko onspen hau argitaratzea Nafarroako Aldizkari Ofizialean.

3. Erabaki hau jakinaraztea sustatzaileari, eta ohartaraztea 10 eguneko epea duela Nafarroako Planeamenduaren Erregistroa eta Nafarroako hirigintza eta lurralde plangintzarako tresnak aurkezteko formatua arautzen dituen urriaren 16ko 253/2019 Foru Dekretuaren 9.2 c) artikulua eskatzen duen informazio geografiko bektoriala aurkezteko.

4. Erabaki hau helaraztea, onartutako agiriarekin, aurkezten den informazio geografiko bektorialarekin eta emandako txosten teknikoekin batera, Nafarroako Gobernu Lurralde Antolamendu, Etxebizitza, Paisaia eta Proiektu Estrategikoetako Departamentuari, gehienez ere 10 eguneko epean.

3. 2021/11 ZENBAKIKO AURREKONTU-ALDAKETA. APARTEKO KREDITUA (ENPRESA PUBLIKOAREN KAPITAL SOZIALA). HASIERAKO ONESPENA.

Alkateak espedientea eta idazkariak prozedura azaldu ondoren, erabaki hau hartu da:

Ikusirik:

- Udala administrazio-espedientea izapidetzen ari dela kapital osoa Udalarena duen merkataritza-sozietatea eratzeke, eta kapital sozialaz hornitu behar duela sozietatea.

- Martxoaren 18ko 68/2021 Alkatetzaren Ebazpenaren bidez onetsi zela 2020ko Aurrekontuaren likidazioa.

- Kontu-hartzaileak 2021eko azaroaren 18an egindako txostenak adierazten duela aurrekontua aldatzeko espedientea izapidetu behar dela, ezohiko kreditua, gastu-partida

honetarako:

1-3420-85090. Kirol-instalazioak kudeatzeko enpresa publikoaren kapital soziala.
3.300,00 €.

Zenbatekoa, guztira: 3.300,00 €.

- Txosten horretan proposatzen dela gastu orokorretarako diruzaintzako gerakina den
1-87000 partidaren kargura finantzatzea, 3.300,00 euroko zenbatekoan.

Nafarroako Toki Ogasunei buruzko 2/1995 Foru Legearen 202., 213. eta 214.
artikuluei eta indarrean dagoen Aurrekontuko 9. Exekuzio Oinarriari jarraikiz,

aho batez ERABAKITZEN DA:

1. Hasierako onespena ematea 2021/11 zenbakia duen aipatu aurrekontu-aldaketari
(aparteko kreditua).

2. Jendaurrean jartzea espedientea 15 eguneko aldi, udal iragarki taulan iragarrita,
nahi duenak aztertu eta erreklamazioak aurkez ditzan.

3. Ohartaraztea ezen, jendaurreko erakustaldian erreklamaziorik aurkezten ez bada,
hasierako onespeneraren erabakia behin betiko onetsizat joko dela, eta jendaurrean jartzeko
aldia igarotakoan jarriko dela indarrean.

Erreklamazioak edo alegazioak eginez gero, osoko bilkurak berariazko erabakia hartu
beharko du erreklamazio edo alegazio horien ebazpenari eta proposatutako aldaketaren
behin betiko onespenerari buruz, eta behin betiko testua udal iragarki taulan argitaratu ondoren
jarriko da indarrean.

**4. TOKIKO MERKATARITZA-SOZIJETATE BAT SORTZEA, %100EKO UDAL
KAPITALA IZANGO DUENA, BERAKO KIROL INSTALAZIOEN ZERBITZUA
ZUZENEAN KUDEATZEKO. ESPEDIENTEAREN BEHIN BETIKO ONESPENA.**

Ikusirik:

- Berako Udalak, 2021eko urriaren 7an egin ohiko osoko bilkura berezian, erabaki
zuela hasiera batean onestea kapital osoa publikoa duen merkataritza-sozietate bat sortzeko
memoria eta estatutuen proiektua.

- 2021eko urriaren 14ko Nafarroako Aldizkari Ofizialean (239. zk.) argitaratutako
iragarkiaren bidez, memoria eta estatutuen proiektua 30 egun naturaleko epean jendaurrean
jarri zirela, eta ez dela alegaziorik aurkeztu.

- Kontu-hartzailearen txostena, 2021eko azaroaren 18koa.

Kontuan hartuta espedienteak bete egin dituela Toki Araubidearen arloan indarrean
dauden lege-xedapenen testu bategina onartzen duen 781/1986 Legegintzako Errege
Dekretuaren 97. artikuluan eta Toki Araubidearen Oinarriak arautzen dituen 7/1985
Legearen 22.2 f) eta 85.2 artikuluetan ezarritako izapideak,

PL211124. DATU PERTSONALAK DISOZIATU EGIN DIRA.

aho batez (arauz eskatzen den quoruma) ERABAKITZEN DA:

1. "SASTRAKO KIROL ZERBITZUAK, S.L" izeneko udal kapital osoko merkataritza-sozietatea eratzeko administrazio-espedientea behin betiko onestea. Espediente hori espedientean behar bezala izapidetuta jasota dauden eta behin betiko onetsi diren memoria eta estatutuen arabera egingo da.

2. Erabaki hau Nafarroako Aldizkari Ofizialean argitaratzea, behar diren ondorioak izan ditzan.

3. "SASTRAKO KIROL ZERBITZUAK, S.L" sozietateari 3.300 euroko kapital soziala ematea. Kapital hori 110 partaidetza sozial zatiez eta metagarritan banatuko da, 30 euroko balio nominalekoa bakoitza, 1etik 110era zenbakituta, biak barne, eta Berako Udalak ordainduko dituenak oso-osorik.

4. Alkateari ahalmena ematea erabaki hau aplikatu eta garatzeko behar diren agiri guztiak sinatzeko.

5. "SASTRAKO KIROL ZERBITZUAK, S.L" sozietateko Administrazio Kontseiluko kideak izendatzea, Estatutuen 17. artikulua aplikatuz. Bertaratuek onartu egin dute eta honako hauek dira:

- Aitor Elexpuru Egaña jauna, Berako Udaleko alkate udalburua; batzordeburu izanen da.
- Julen Errandonea Martin jauna, Berako Udaleko zinegotzia.
- Maialen Chantre Irazoki andrea, Berako Udaleko zinegotzia.
- Germán Castillo Lazcanotegui jauna, Berako Udaleko zinegotzia.
- José Antonio Oyarzabal Iribas jauna, Berako Udaleko zinegotzia.

6. Erabaki hau jakinaraztea Administrazio Kontseiluko kideei, dagozkion ondorioetarako.

5. GESERLOCAL, S.L. ERAKUNDE INSTRUMENTAL ADIERAZTEA.

Geserlocal S.L. NUKFk eta Zangozako, Erriberriko eta Lizarrako udalek sortutako merkataritza-sozietatea da, Nafarroako toki entitateei nahitaezko diru-bilketaren alorrean zerbitzua emateko. Egun, Geserlocalek bere helburu sozialaren barruan dauden bestelako zerbitzu osagarriak ematen dizkie toki entitate horiei. NUKFk sozietatearen kapitalaren %97 du eta gainontzekoa aipatu udalei dagokie.

Orain arte, Geserlocalek beste zerbitzu batzuk eman dizkie Nafarroako toki entitateei kontratazio araudiaren arabera esleitze akordioen bidez.

Kontuan hartuta kontratazioari buruz indarrean dagoen araudia eta botere esleitzzaileei eta erakunde instrumentalei buruz dauden aurreikuspenak, bereziki Kontratazio Publikoari buruzko 24/2014 Zuzentaraua eta apirilaren 13ko Nafarroako Kontratu Publikoari buruzko 2/2018 Foru Legea, sozietate honi erakunde instrumentalaren izaera esleitzea posible da ez soilik haren kapitalean parte-hartzea duten udaletan baizik eta NUKFren kide diren toki entitateetan ere, Federazioa sozietatearen titular nagusia delako. Horrenbestez, erakunde

instrumentala izateko baldintzak bete egiten dira:

- 1.- Sozietatearen kapital guztia publikoa da.
- 2.- NUKFk eta horri atxikitako toki entitateek, federazioaren bitartez, batera egiten dute sozietatearen gaineko kontrola.
- 3.- Geserlocalek bere jardueraren funtsezko zati bat bitarteko propio gisa esleitu duten toki entitateentzat egiten du.

Hala jakinarazi du Nafarroako Kontratazio Publikoko Batzordeak 1/2021 txostenean.

Aurrekoa kontuan harturik, NUKFren Batzorde Betearazleak irailaren 14an egindako saioan erabaki zuen Geserlocal Federazioari atxikitako toki entitateen erakunde instrumental bihurtzea hala erabakitzen duten toki entitateetan.

Horrenbestez, Nafarroako Kontratu Publikoei buruzko apirilaren 13ko 2/2018 Foru Legearen 8.2.d) artikuluan xedatutakoari jarraiki,

aho batez ERABAKITZEN DA:

1. Geserlocal S.L. Berako Udalaren erakunde instrumental deklaratzeko aipaturiko Foru Legearen 8. artikulua xedatutakoaren ondorioetarako.
2. Adieraztea enkarguek nahitaezko diru-bilketari, isunen kudeaketari, kontabilitateari eta sozietatearen xedarekin bat datozen beste batzuei dagozkien prestazioak har ditzaketela barnean.
3. Erabaki hau NUKFri eta Geserlocali jakinaraztea eta Nafarroako Kontratazio Atarian argitaratzea.

6. HEZKUNTZA DEPARTAMENTUKO “KANPO-LANA” PROGRAMAN IZENA EMATEA.

Alkateak azaldu du Hezkuntza Departamentuaren “Kanpo Lana” programa. Horren helburua da elkarbizitzarako kaltegarriak edo kontrakoak diren jarduerak egin dituzten ikasleen klasera joateko eskubidea ordezkatzea ekimen horri atxikitako erakundeetan gizarte-jarduerak egiteagatik .

Ikastetxeetan bizikidetzatza aldatzeagatik ikasleei ezarritako zehapenek ez dute beti nahi den eragina izaten ondorengo portaeran. “Kanpo Lana” programak elementu positibo bat sartzen du jokabide horiek zuzentzeko prozeduran, eta ikasleei aukera ematen die erakunde laguntzaileetaren batean laguntzeko, beren erantzukizun pertsonala indartuko duten, gizartearentzat baliagarriak direla sentiaraziko dieten eta ikasteko motibatuko dituzten gizarte-jarduerak eginez, etorkizunerako orientatuz.

Gaia eztabaidatu ondoren,

aho batez ERABAKITZEN DA:

1. Berako Udalaren izena ematea formalizatzea “Kanpo Lana” programan.

2. Erabaki hau jakinaraztea Nafarroako Gobernuko Hezkuntza Departamentuari.

7. ADIERAZPEN INSTITUZIONALA: AZAROAK 25, EMAKUMEEN KONTRAKO INDARKERIA EZABATZEKO NAZIOARTEKO EGUNA.

Alkateak aurkeztu ondoren, adierazpen hau ONTESI DA **aho batez**:

“2003tik aurrera, emakumeenganako indarkeriari buruzko datuak jasotzen hasi zirenetik, 101 emakume eta 11 haur erailak izan dira Euskal Herrian. Zenbaki onartezin honen atzean izenak eta izanak daude. Erauzitako bizi proiektuak. Bereziki memorian gorde nahi ditugu, 2021ean zehar erail dituzten Erika Tavares, Conchi Gonzalez, Aintzane Pujana, Maria Pilar Berrio Jimenez eta Miarritzeko 75 urteko bizilaguna.

Urte honetan ere bereziki aipatu nahiko genuke, izebergaren punta diren erailketa hauetaz gain, ohikoak bilakatu direla gizonezkoek taldean egiten dituzten bortxaketei buruzko salaketa publikoak. Hala ere, eraso bakoitzaren aurrean, hauek salatu dituen Mugimendu Feminista saretu bat atera da kalera. Gaurko egunean ere, talde hauen lana eta ezinbestekotasuna azpimarratu behar dugu.

Urte luze hauetako lana izan da Indarkeriari maskara kentzea. Ez da lau zororen kontua. Sistema patriarkal sendo baten ondorioa baizik. Indarkeria matxistei buruz egindako makro-inkestak datu larria mahai-gaineratu zuen: bi emakumetik batek indarkeria matxista pairatu du bere bizitzan zehar.

Istanbulgo Hitzarmena ekarri nahi dugu gogora, urte luzeetan zehar Mugimendu Feministak egindako Indarkeriaren ikuspegi zabalpena bildu zuen lehen tresna loteslea. Hitzez hitz esaten du "emakumearen aurkako indarkeriagatik" ulertu beharko dela giza eskubideen urraketa bat eta emakumeen aurkako diskriminazio modu bat, eta generoan oinarritutako indarkeria-ekintza guztiak izendatuko direla, emakumeentzat kalte edo sufrimendu fisiko, sexual, psikologiko edo ekonomikoak dakartzatenak edo eragin ditzaketanak, ekintza horiek egiteko mehatxuak barne, hertsapena edo askatasuna arbitrarioki kentzea bizitza publikoan edo pribatuan.

Azaroaren 25ean, nazioarteko tresna lotesle hau aintzat hartuta, emakumeen kontrako indarkeria mota guztien aurka gaudela adierazteko eguna da, eta, hori ez ezik, indarkeria sorrarazten duten eragile guztien aurka ere bagaudela esatekoa. Bizitza aske, seguru eta burujabeak eraikitzearen alde gaudelako.

Indarkeria matxistaren alderdi desberdinak identifikatzen jarraitzeko eguna da, jendartean normalizatuen dauden sotilenetatik hasita, hala nola ukitzeak; ahozko lizunkeriak; publizistek eta mass-mediak emakumeen gorputzari ematen dieten erabilerak; mezu eta adierazpen sexistak; janzkera, jendarte-sareen erabilera edo lagunartea kontrolatzea, eremu publikoa (eskolako patioak, jolastokiak, parkeak) askatasunez okupatzeko zailtasunak; edota emakume eta gizonen arteko berdintasuna zuzenean erasotzen dituzten administrazio-erabakiak. Bigarren estadio batean, sexu-erasoak eta eraso fisikoak egongo lirarteke, eta, esparrurik bortitzenean, erailketak.

“Normaltasunera” bueltatzen ari garela zabaltzen ari den egun hauetan, Indarkeria Matxista pairatzen duten horientzat, ordea, ospatzeko normaltasunik ez dagoela adierazi

beharrean gaude.

Gutariko bakoitzari dagokigu egoera hori aldatzea, eguneroko zereginetan hasiz, gure inguru hurbilenean jardunez. Eta gure kasuan, Berako Udaletik horretarako beharrezkoak diren baliabide tekniko, ekonomiko eta politikoak aktibatzeke konpromisoa hartu behar dugu, berdintasun-unitateak sustatuz eta haiei laguntza eskainiz, berdintasun-teknikarien egonkortasuna edo kontratazioa bultzatuz, edota emakumeen parte-hartzerako guneak sustatuz hala nola, emakumeen etxeak eta txokoak, ahalduntze-eskolak, jai parekideak eta abar.

Guzti honengatik, indarkeria matxista gertakarietan funtzionamendu protokoloek erabiltzen dituzten mekanismo guztiak egokiak izatea da giltza; beti ere, indarkeria mota hau pairatzen duten emakumeen ahalduntzea helburu duten ikuspuntu batetik. Horretarako, instituzio publikoez gain, gai honetan adituak diren pertsonen eta mugimendu feministen parte hartzea beharrezkoa da ezarritako protokoloekin lagundu dezaten, eta azken batean, berdintasunetzko etorkizun baterantz abiatu gaitezen.

Nabarmendu nahi dugu, azken aldian, sare sozialetan eta espazio publikoetan, kide feminista askoren kontrako jazarpen handia ari garela ikusten. Ez da kasualitatea. Espazio publikoa hartu eta diskurtso eraldatzaileak mahai gaineratzen dituzten emakume feminista hauek jazartzea, antolatutako gorroto eta indarkeria matxista kanpaina baten ondorioa da. Eredu digitalean gertatu diren jazarpen kasu hauek gutxitzera jo izan dugu, baina duten garrantzia eta emakume hauen jarduna eteteko duen asmoa salatzeke garaia da. Horregatik, lerro hauek erabili nahi ditugu, espazio horietan dauden kideei haien lana eskertu eta alboan gaituztela esateko.

Mugimendu Feministak, egun honen bueltan antolatuko dituen mobilizazioetan eta ekimenetan parte hartzeke deia egiten amaitu nahi ditugu lerro hauek.

PROPOSAMENA

1. Berako Udal honek, Emakumeen Munduko Martxak bultzatutako indarkeria matxistaren aurreko erantzun-protokoloa bere egiten du.
2. Berako Udal honek, indarkeria matxistan zuzen aritzen diren sail eta profesionalen arteko elkarlanaz eta instituzioen arteko koordinazio egokiaren errefortzuaz arduratuko da, betiere sistematizazioa eta arreta-ibilbidearen hedapen egokiak bermatuz.
3. Berako Udal honek larrialdietako alerta-mekanismoak indartuko ditu, larrialdietan erantzuna bizkortzeke eta bermatzeko.
4. Berako Udal honek Nafarroako Gobernuari eta Nafarroako Berdintasunerako Institutuari eskatzen die emakume eta gizonen arteko berdintasunaren alorreko aurrekontu-partidak handitzeke, berdintasun-zuzendaritzak eta epaitegi espezializatuak modu iraunkorrean sendotzeke eta indarreko legeria berraztertzeke konpromisoa hartzeke.
5. Berako Udal honek indarkeria matxistarekin zerikusia duten baliabide, zerbitzu eta prozedura guztiak, administratiboak nahiz judizialak, publikoak, doakoak eta ez diskriminatzaileak direla bermatzeko dei egiten du.

6. Erakunde honetatik, hau da, Beratik, borroka feministaren alde hartu dugun konpromisoa berretsi nahi dugu, indarkeriarik gabeko gizarte demokratiko bat eraikitzeko bide eta tresna nagusia den heinean.”.

8. BANDOAK ETA ALKATETZAREN EBAZPENAK.

Honako bando eta Alkatetzaren ebazpen hauen jakinaren gainean geratu dira:

- Bandoak: B31/2021etik B35/2021 arte.

- Ebazpenak: 301/2021 zenbakiko Ebazpenetik (2021/10/19) 349/2021 zenbakiko Ebazpenera arte (2021/11/19).

Gai zerrendatik kanpo, presazkoa dela aho batez aitortu ostean, legeak eskatutako gehiengo osoa bete izanik, honako gai hau eztabaidatu da:

2021EKO EUSKARAREN NAZIOARTEKO EGUNERAKO ADIERAZPENA.

Alkateak aurkeztu ondoren, adierazpen hau ONTESI DA **aho batez**:

“Euskara lanabes, aro berrirantz.

Erabilera-eremu berri eta ez formaletan ere, euskarak arnas berri.

Tentuz, baina ateratzen ari gara, azkenean, beltzenetik argira. Berreskuratzen hasi gara gutariko bakoitzaren eta elkarrekin osatzen dugun herriaren eta gizartearen bizitza erakargarri ez ezik, jasangarri ere egiten duena: zuzeneko harremanak; elkartzeko ohiturak, aukerak eta guneak; osatzen gaituzten besteengana biltzeko joera. Eta, horrekin batera, ezinbestekoa dugun jarduera ekonomikoaren hari eta sareak berriz ere indartzen ari gara, pandemiaren aurretiko tokira eta, inola ere ahal balitz, hobera iristeko itxaropenez.

Eta erabaki sendo bat dugu gidari: ez dadila funtsezkorik ezer atzean geratu.

Ezta euskara ere. Inola ere ez.

Gurekin batera egin dio euskarak pandemiari aurre, eta gurekin irten behar du garaile. Izan ere, aro berrian, gure eta geure gizartearen zaugarritasunaren jakitun egin gaituen egoera larriaren ondoren, harreman eta komunikazio molde, ohitura eta bide berriak sortzen ari dira, eta are berriagoak eta harrigarriagoak sortuko dira aurrerantzean.

Pandemiak agerian utzi du jakin bagenekiena: zenbateraino diren ezinbestekoak komunikazio ildo eta sareak, zenbaterainoko balioa eransten dion komunikazioak gure zeinahi jarduerari; orain, jakiteaz gain, sentitu ere egiten dugu errealitate hori: sakon-sakoneraino barneratu dugu komunikazioaren, harremanaren funtsezkotasuna. Hori da aro berriaren ezaugarri nagusietariko bat. Eta hori bera du euskarak erronka: komunikazio eta jarduera eremu berrietan ere, naturaltasun osoz, dagokion tokia hartzea. Eraginkorki. Tinko.

Euskara, euskal hiztunon komunitatearen jarrera proaktiboari esker, IKTek hizkuntza gutxituen hedapena eta indartzerako ekarri duten erronka handiari aurre egiten ari zaio,

komunikazio eta informazioaren teknologien sareetan. Badu tokirik. Baliagarria da. Eta zinez zaila du hizkuntza ozeano erraldoian horrelakorik lortzea.

Eredugarria da alor horretan ere euskal hiztun komunitateak egin duen eta egiten ari den lana, besteak beste erabilerarekin zuzen-zuzenean loturiko presentzia delako euskarari benetako balio erantsia dakarkiona. Eta argi geratzen ari da erakunde publikook eskaini behar dugun ezinbesteko babes eta lidergotik, ekimen eta lankidetzaren publiko-pribatuaren eskutik lan egiten badugu, erronkaren neurriak ez gaituela beldurtu behar. Gai garela argiro erakusten ari garelako, adibidez hezkuntzaren munduan, hedabideenean, osasungintzarenean, eremu sozioekonomikoan, administrazioarenean eta beste hainbat eta hainbatetan urrats ausartak eman behar direla eta ematen ari garela euskal hiztunen eskubideen gauzapean errealean.

Eta horietan guztietan aurrera egin beharra dago, jakina, aurrerapauso sendoagoak emanaz, jarraitortasunez, etengabeko berrikuntzaren bidetik eta guztion konpromisotik. Baina pandemiaren osteko aro berriaren hasiera honek beste ikuspegi bat eranstea eskatzen digu: hizkuntzaren erabilera formalekin batera, eremu ez formalekin landu beharra dago, behar besteko lehentasunez. Euskal hiztunak naturaltasun osoz gauzatu behar du euskaraz bizitzeko aukera, eguneroko harremanetan eremu formalekin lan mundu, aisialdi, kultur edo kirol eremuetara igarotzean, hori bera baita, hain zuzen ere, euskaraz bizitzearen esanahietako bat. Ezin dizkiogulako euskarari ukatu gorputz eta espirituaren atsedean eta gozamenari lotzen zaizkion eremu horiek. Eta hor aurrera egiteko, hiztunen konpromisoa ez ezik ezinbestekoa izanen da instituziook egin behar dugun ahalegina: bitartekoak jarriz eta eredugarritasuna erakutsiz.

Euskararen bizi-indarra dugu jokoan, eremu formalez gainera, eremu ez formal horiek euskararentzat irabaztearen erronkan. Izan ere, alor horretan euskararen erabilerak jauzi bat egiteak errotik eta norabide zeharo positiboan aldatuko luke hiztun asko eta askorengan, oso bereziki gazteengan, euskararekiko bizipena.

Aisialdi eta kirolaren eremuek badituzte, bestalde, berezko ezaugarri baliotsuak hizkuntza erabiltzeko ohituren aldaketari dagokienez, eta askotariko antolakuntzarako joera dute (klubak, federazioak, elkarteak, taldeak...). Nekez bilatuko genuke esparru egokiagorik gazteengana iristeko, euskararen erabilera ez formalari berebiziko bulkada emateko, partaide gazte zein ez hain gazteengan euskararantz urrats eraginkorra egiteko gogoia aktibatuz. Horra, beraz, eginkizuna.

Aukera paregabea dugu normaltasun berri baterako bidearen hastapen honetan berreskuratzen ari garen eta asmatuko ditugun harreman eta erabilera-eremu berrietarako euskara, bidelagun ez ezik, lanabes eraginkor bilakatzeko. Guztion esku dago.

Euskara prest dugu; gure gizartea, gogotsu; gure herria, erabakia hartuta. Abia gaitzen.”.

9. ESKAERAK ETA GALDERAK. BESTE UDAL ORGANOEEN KONTROLA.

Ez dira izan.

Beste aztergairik izan gabe, 20:30ak direnean, alkateak bilera bukatutzat eman du, eta

nik, neronek, idazkaria naizenez, ziurtatzen dut.

O.E. ALKATEA,
Aitor Elexpuru Egaña.

IDAZKARIA,
Miguel J. Belarra Tellechea.